

佩文齋廣羣芳譜卷第九十六

藥譜

續斷

續本草綱目續斷一名屬折一名接骨一名龍豆一名

南草

續斷屬折接骨皆以功命名也

蘇頌曰今陝西河中興元舒越晉

絳諸州皆有之三月以後生苗榦四稜似苧蔴葉兩兩相對而生四月開花紅白色似益母花根如大薊赤黃色按范汪方云續斷卽是馬薊與小薊葉相似但大於小薊爾葉似旁翁菜而小厚兩邊有刺刺人其花紫色與今越州所圖者相類而市之貨者亦有數種少能辨其麤良醫人但以節節斷皮黃皺者爲真李時珍曰今

人所用以中州來色赤而瘦折之有煙塵起者爲良氣
味苦微溫無毒治傷寒補不足金瘡癰瘍折跌續筋骨
助氣補五勞七傷破癥結瘀血消腫毒治婦人乳難胎
漏產後一切病胎久服益氣力去諸溫毒通宣血脈

鉤芡

增

爾雅鉤芡註大如拇指中空莖頭有臺似薊初生可

食說文芡味苦江南食以下氣本草綱目芡芡一

名鉤芡一名苦板

凡物穉曰芡此物嫩時可食故以名之

浙東人清明節

采其嫩苗食之云一年不生瘡疥亦搗汁和米爲食其
色青久留不敗造化指南云苦芡大者名苦藉葉如地
黃味苦初生有白毛入夏抽莖有毛開白花甚繁結細

實其無花實者名地膽草汁苦如膽也處處濕地有之
入爐火家用氣味苦微寒無毒下氣解熱燒灰傅漆瘡
療金瘡治丹毒煎湯洗痔甚驗

漏盧

增本草綱目漏盧一名野蘭一名莢蒿一名鬼油麻

屋

西北黑處謂之漏凡物黑色謂之盧此草秋後即黑異
於衆草故有漏盧之稱唐韻作蒹其莢如麻故俗呼爲
鬼油麻云蘇頌曰汴東州郡及奉海州皆有之舊說莖葉似
白蒿花黃白莢莖若筍大房類油麻而小今諸郡所圖
上惟單州者差相類沂州者花葉頗似牡丹秦州者花
似單葉寒菊海州者如單葉蓮花三州所生花雖別而
葉頗相類但秦海州者葉更作鉅齒狀當依舊說以單

州出者爲勝氣味鹹寒無毒治膚熱毒惡瘡疽痔金瘡
濕痺下乳汁殺蟲止血排膿補血長肉通經脈久服輕
身益氣耳自聰明不老延年

飛廉

增本草綱目飛廉一名漏蘆一名木禾一名飛雉一名

飛輕一名伏兔一名伏豬一名天薺

飛廉神禽之名也其狀鹿身豹文雀

頭蛇尾有角能致風氣此草附莖有皮如箭羽復療風邪故有飛廉飛雉飛輕諸名陶弘景曰處

處有之極似苦芙惟葉多刻缺葉下附莖輕有皮起似

箭羽其花紫色俗方殆無用而道家服其枝莖可得長

生又入神枕方蘇恭曰此有兩種一種生平澤中是陶

氏所說者一種生山岡上者葉頗相似而無刻缺且多

毛其莖赤無羽其根直下更無旁枝生則肉白皮黑中有黑脈日乾則黑如玄參用莖葉及根療疳蝕殺蟲與平澤者俱有驗蘇頌曰今秦州所圖漏蘆花似單葉寒菊紫色五七枝同一幹海州所圖漏蘆花紫碧色如單葉蓮花花萼下及根旁有白茸裹之根黑色如蔓青而細又類葱本淮南人呼爲老翁花與陶蘇所說飛廉相近李時珍曰蘇頌圖經疑海州所圖之漏蘆是飛廉沈存中筆談亦言今方家所用漏蘆乃飛廉也苗似苦苣根如牛蒡而縷頭古方漏蘆散下云用有白茸者則是有白茸者飛廉無疑矣氣味苦平無毒治骨節熱脛重酸疼頭眩頂重皮間邪風熱瘡癰疽痔濕痺止風邪欬

嗽下乳汁療疳蝕殺蟲小兒疳痢

大青

增本草綱目

大青

其莖葉皆深青故名

處處有之高二三尺莖圓

葉長三四寸面青背淡對節而生八月開小花紅色成簇結青實大如椒九月色赤氣味苦大寒無毒治時氣頭痛大熱口瘡除疳行熱毒治溫疫寒熱毒痢黃疸喉痺解金石藥毒

小青

增圖經

本草

小青

福州三月生花彼土人當三月采

葉用之生搗傳癰腫瘡癤甚效

胡盧巴

增本草綱目胡盧巴一名苦豆掌禹錫曰出廣州并黔州春生苗夏結子子作細莢至秋采今人多用嶺南者蘇頌曰或云種出海南諸番蓋其國蘆菹子也舶客將種蒔於嶺外亦生不及番中來者真好氣味苦大溫無毒治元臟虛冷氣疝瘕寒濕脚氣益右腎煖丹田右腎命門藥也元陽不足冷氣潛伏不能歸元者宜之

蠡實

增本草綱目蠡實一名荔實一名馬蘭子一名馬棟子

一名馬薤一名馬帚一名鐵掃帚一名劇草一名旱蒲

一名豕首一名三堅

蘇恭曰此卽馬蘭子也月令仲冬荔挺出鄭玄註云荔馬薤也通俗

文云一名馬薤本草謂之荔實蘇頌曰馬蘭子北人訛爲馬棟子廣雅云馬薤荔也高誘云荔挺出荔草挺出

也講禮者不識呼爲荔挺又作馬莧竝誤矣馬莧亦名
豕耳卽馬齒也李時珍曰爾雅云苒音瓶馬帚也卽此
荔草謂其可爲馬刷故名今蘇頌曰陝西諸郡及鼎澧
河南北人呼爲鐵掃帚是也州皆有之近汴尤多葉似薤而長厚三月開紫碧花五
月結實作角子如麻大而赤色有稜根細長通黃色人
取以爲刷三月開花五月采實竝陰乾用李時珍曰生
荒野中就地叢生一本二三十莖苗高三四尺葉中抽
莖開花結實氣味甘平無毒治皮膚寒熱胃中熱氣風
寒濕痺堅筋骨令人嗜食久服輕身止心煩滿利大小
便長肌膚療金瘡血內流癰腫有效消酒毒治黃病殺
蕈毒傳蛇蟲咬治小腹疝痛腹內冷積水痢諸病花實
及根葉去白蟲療喉痺癰疽惡瘡

牛蒡

增本草綱目牛蒡一名惡實一名鼠黏一名大力子一

名蒺藜菜一名便牽牛一名蝙蝠刺其實狀惡而多刺鉤故名惡實其根

葉皆可食人呼爲牛蒡術人隱之呼爲大力也僮人謂之便牽牛河南人呼爲夜叉頭蘇頌曰實殼多刺鼠過之則綴惹不可脫故謂之鼠黏子蘇頌曰處處有之葉大如芋葉而長

實似葡萄核而褐色外殼似栗核而小如指頭多刺根

有極大者作菜茹益人秋後采子入藥李時珍曰古人

種子以肥壤栽之剪苗汙淘爲蔬取根煮曝爲脯云甚

益人今人亦罕食之三月生苗起莖高者三四尺四月

開花成叢淡紫色結實如楓楸而小萼上細刺百十攢

簇之一株有子數十顆其根大者如臂長者近尺其色

灰黥七月采子氣味辛平無毒明目補中除風傷風毒
腫諸瘻去丹石毒利腰脚散諸結節筋骨煩熱毒潤肺
散氣利咽膈去皮膚風通十二經消斑痧毒十月采根
氣味苦寒無毒治傷寒寒熱汗出中風面腫消渴熱中
逐水療牙痛勞瘧諸風脚緩弱風毒癰疽欬嗽傷肺肺
癰疔痕冷氣積血傳杖瘡金瘡通十二經脈洗五臟惡
氣可常作菜食令人身輕

菴耳

增爾雅菴耳苓耳〔註〕廣雅云臬耳也亦曰胡臬江東呼
爲常臬形如鼠耳叢生如盤

〔陸璣詩疏〕今或謂之耳

瑤耳鄭康成謂是白胡荽幽州人呼爵耳

〔爾雅翼〕幽

異謂之檀菜雒下謂之常思菜〔本草綱目〕菜耳一名

蒼耳一名猪耳一名地葵一名施一名羊負來一名道

人頭一名進賢菜一名喝起菜一名野茄一名縑絲草

蘇頌曰博物志云洛中有人驅羊入蜀胡菜子多刺黏

綴羊毛遂至中國故名羊負來俗呼爲道人頭李時珍

曰葉形如藁麻又如茄故有藁耳及野茄諸名味滑如葵故名地葵蘇頌曰處處有之其

葉青白似胡荽白華細莖蔓生可煮爲茹滑而少味四

月中生子正如婦人耳璫〔周憲王本草〕蒼耳葉青白

類黏糊菜葉秋間結實比桑椹短小而多刺嫩苗燂熟

水浸淘拌食其子炒去皮研爲麪亦可熬油氣味甘溫

有小毒治頭風寒痛風濕周痺拘攣一切風氣填髓煖

腰脚治癰癰瘡疥及瘙癢莖葉治溪毒中風傷寒頭痛

大風癰頭風濕痺毒在骨髓腰膝風毒狂犬咬毒

彙考

增

詩周南采采卷耳不盈頃筐

四民月令伏後

二十日爲麴至七月七日乾之覆以胡菜

埤雅舊說

千歲之龜巢於蓮葉游於卷耳

東坡雜記藥至賤而

爲世要用無若蒼耳者他藥雖賤或地有不產惟此藥
不問南北夷夏山澤斥鹵泥上沙石但有地則產其花
葉根實皆可食食之則如藥治病無毒生熟丸散無適
不可愈食愈善乃使人骨髓滿肌如玉長生藥也主療
風痺癰緩癰瘡瘡癢不可勝言尤治癰金瘡海南無藥
惟此藥生舍下遷客之幸也

集藻

文散句

增

楚屈原離騷蕓蓂施以盈室兮

五言古詩

增

唐李白尋魯城北范居士失道落蒼耳中

見范置酒摘蒼耳作鴈度秋色遠日靜無雲時客心不自得浩漫將何之忽憶范野人閒園養幽姿茫然起逸興但恐行來遲城壕失往路馬首迷荒陂不惜翠雲裘遂爲蒼耳欺入門且一笑把臂君爲誰酒客愛秋蔬山盤薦霜梨他筵不下飭此席忘朝飢酸棗垂北郭寒瓜蔓東籬還傾四五酌自詠猛虎詞近作十日歡遠爲千載期風流自簸蕩謔浪偏相宜酣來馬上去却笑高陽池

原

杜甫驅豎子摘蒼耳江上秋已分林中瘴猶劇

畦丁告勞苦無以供日夕蓬莠獨不焦野蔬暗泉石卷
况療風童兒且時摘侵星驅之去爛熳任遠適放筐

亭午際洗剝相蒙幕。登牀半生熟。下筯還小益。加點瓜
薤間。依稀橘奴迹。亂世誅求急。黎民糠粃窄。飽食復何
心。荒哉膏粱客。富家厨肉臭。戰地骸骨白。寄語惡少年。
黃金且休擲。

七言律詩

增

元成廷珪寄周平叔先生就求蒼耳子周

侯久不通書問。夜夜滄江入夢頻。五月米來蒼耳子。幾
時分送白頭人。沙頭酒熟田毛足。港上船來海錯新。南
北相望千百里。老來幽獨倍傷神。

詩散句

增

唐李白贈君卷薤草心斷更何言

地菰

增

爾雅薤薤豕首

註

本草曰薤顱一名蟾蜍蘭今江東

呼猊首疏 荊藟藥草名一名天名精一名麥句薑一名

蝦蟇藍一名天門精一名玉門精一名天蔓菁南人呼

爲地菰味甘辛故有薑稱狀如藍故名蝦蟇藍香似蘭

故名蟾蜍蘭 本草綱目 天名精一名蚵蜆草一名活

鹿草一名劉儘草 詳見酉陽雜俎 一名皺面草一名母豬芥根

名杜牛膝 見集效方 實名鶴蝨 詳見夢溪筆談 嫩苗綠色似皺葉菰

芥微有狐氣長則起莖開小黃花如小野菊花結實如

同蒿子相似最黏人衣服狐氣尤甚炒熟則香其根白

色如短牛膝根葉氣味甘寒無毒子苦辛有小毒其功

大抵只是吐痰止血殺蟲解毒治乳蛾喉腫及小兒急

慢驚風牙疼諸病尤有效

地菰

彙考增西陽雜俎天名精一名鹿活草昔青州劉慥宋元嘉中射一鹿剖五臟以此草塞之蹶然而起慥怪而拔草復倒如此三度慥密錄此草種之多主傷折俗呼爲劉慥草夢溪筆談松菰卽天名精也世人旣不識天名精又妄認地菰爲大藪本草又出鶴蝨一條都成紛亂今按地菰卽天名精蓋其葉似菰又似名精故有二名鶴蝨卽其實世間有單服火藪法乃是服地菰耳不當用火藪

豨薟

原豨薟

豨音喜
薟音杕

一名希仙一名火杕草一名虎膏一名

豬膏母一名狗膏一名黏糊菜

本草綱目云楚人呼豬爲豨呼草之氣味辛毒